

Transkription von Urkunde HAL 1387a

Ort, Datierung: Halle, 1387-??-??

Signatur: Universitäts- und Landesbibliothek Halle, Yla 24 180r [\[online\]](#)

Inhalt: Siverd van dem Bernebroke: Verkaufsurkunde

Jk Siuerd van dem Bernebroke hermen vnd Johan van dem bernebroke myneSones Bekennet vnd betuget / an dessem openen breue vor allesweme dat we vnd vnse eruen hebbet vor coft vnd vor copet to enem rechte(n) / eruen cope vnseu tegeden to hagene myt alle sinem rechten vnd tobehoringe also he gelegen is . hennynge / van obbernshusen vnd sinen rechten eruen vor vertich mark vnd hundert mark lubesch de vns deger / vnd altomale na willen wol bereth sint : vnd schullet vnd willet en desses copes rechte warende wesen / us vnd wanne vnd wo dicke en des noet is : were ok dat hennynge van obbernshus(e)n eder sine erue also / gedan misqueme an velle dat se dorch orer noet willen wolden dessen dessen ¹ tegeden weder vor copen / dat scolden se vns eder vnseu eruen vore to wetende don en Jar So mochte we eder vnse ² den tegeden / weder copen vor desse vorbenompden Sum(m)en geldes vertich mark vnd hundert lubesch : were dat we / des nicht don konden : So mochten de von obbernshusen vnd ere eruen den tegeden vor copen wem / se konden vnd maket sek den so se nuttest mochten Alle desse vorbenompden stücke loue we Siuerd / hermen vnd Johan geheten van dem bernebroke vor vns vor vnse eruen hennynge van obbernshus[e]n / vnd sine(n) eruen an guden truwen Stede vast to holende ³ sunder allerleige list : vnd hebbet des tũ ener / meren be kantnisse vnd groteren wissenheit vnse Jngesegele witliken an dessen Breff gehanged Na / godes bort dusent vnd drehundert Jar dar na an deme Seueden vnd achtentigsten Jare des dinx=/sedages an den pinxsten /

¹ Verschreibung : Doppelung von *dessen*

² Auslassung ? = **eruen**

³ Verschreibung: **holdende**